

Bunita Apertura oficial exposicion di UNOCA

"Chikito y Simpel bo por ta, pero si Respeta"



COMISION Nacional Celebracion 25 aña Status Aparte conhuntamente cu UNOCA ta wak bek ariba un bunita anochi di apertura oficial di exposicion "Chikito y simpel bo por ta, pero si respeta". E exposicion aki tin un duracion di 3 luna y por wordo admira ariba e rotonde dilanti di Cas di Cultura y tambe dilanti di Cas di Cultura mes.

Cu e exposicion aki UNOCA kier duna atencion na nos hobennan cu ta contribui na cultura di Aruba. E hobennan cu a haya e reconocimiento special y cu ta forma pari di e exposicion ta: Marifer Aguirre, Stefan Bartels-Daal, Quincy Connor, Wesley Connor, Osvaldo Correa, Hilyann Croes, Jonathan Croes, José Croeze, Casey Dozier, Aldrich Dijkhoff, Darwin Gomes, Mark Gonzales, Rosabelle Illes, John Francis Jacobs, Serghio Jansen, Laura Kock, Cedrick Omar Kock, Lara Kuiperi, Christie Mettes, Lidrick Solognier, Stephanie Solognier, Valedy Sommerville, Angelle Stamper, Jonathan Thiel, Naomi Vonk y Stephanie Werleman. Lastimamente no ta tur hoben por tawata presente e anochi aki ya cu diferente di nan ta studiando den exterior. Nan ta: Stefan Bartels-Daal, José Croeze,

Rosabelle Illes, Serghio Jansen, Cedrick Omar Kock, Christie Mettes y Valedy Sommerville. Por bisa cu nan a wordo bon representa e anochi ey pa nan famia cu semper ta apoya y stimula nan y cu seguramente lo a duna nan tur detaye di con e anochi a bay. Presencia di Gobernador di Aruba SE Sr. F. Refunjol y distinguido señora, minister di cultura Sra. Michelle Hooyboer-Winklaar, parlamentarionan Sra. Lorna Varlack, Sra. Clarisca Velasquez, Sr. Andy Lee y Sr. Donny Rasmijn y masha hopi otro invitado incluyendo famia di e hobennan a honra e hobennan cu nan presencia, locual nos ta sigur cu lo stimula e hobennan mas pa sigui contribui na desaroyo cultural. Oradornan di e anochi tawata Sra. Nilda Koolman, presidente di directiva di UNOCA, Sra. Alice van Romondt, presidente di comision celebracion 25 aña Status Aparte y Minister di Cultura Sra. Michelle Hooyboer-Winklaar kende na mes momento a efectua e acto oficial di apertura, dor di cende e luznan ariba e rotonde iluminando di e manera aki e bannernan di e hobennan y awor tur hende por gosa di nan tambe parti anochi. E show di e hobennan despues di e acto di apertura oficial a cum-

insa mesora cu dialogo di medio ambiente di Marifer Aguirre y Osvaldo Correa cu actuacion di e otro hobennan. Tambe por a gosa di poesia di parti di Laura Kock y Angelle Stamper inspira ariba e potretnan di Naomi Vonk y Stephanie Solognier.

E parti di canto no por a keda afo. Publico a wordo deleita cu canto di Marc Gonzales, Jonathan Croes, Hilyann Croes, Darwin Gomes, Casey Dozier y Jonathan Thiel. E banda musical cu a compaña e cantantenan, tambe tawata consisti di e hobennan talentoso cu ta forma parti di e expo. Nan ta: Stephanie Werleman, Wesley y Quincy Connor, Casey Dozier, Darwin Gomes, John Francis Jacobs, Lidrick Solognier y Jonathan Thiel.

E banda Idyllmist a clausura e anochi.

UNOCA ta gradici tur e hobennan cu a haya reconocimiento, pa nan dedicacion na cultura di Aruba, mayornan y famia pa nan estimulacion, tur otro invitado pa nan presencia y sigur tur persona y instancia pa nan cooperacion.

Nos tur por mira sigur bek ariba un anochi cu bon ambiente y dushi!!

